

## NOTFAU: Pipo, 14j.



### suechet ganz dringänd äs nöiis Daheime mit Freigang

Liebi Tierfründe

Lueget einisch, bin ig nid e ganz e toue Chater? Ig ha e ganz e sältene Farb, heisse **Pipo** u bi ganz ganz dringänd uf dr Suechi nach eme nöiie Daheime. Warum? Ig ha es guets Daheime, nur wird das Huus aafangs Apriu abgrisse, mini Lüüt zügler vorübergehend in e Wohnig, wo ig nid erlaubt bin. Userdem bruuche ig Freigang. Geit auso gar nid. Drum!

Ig bi 14jährig, kaschtriert, gimpft, chipped, gsung, schtuberein, fit u muntr. Ig liebi Mönsche u vor auem MIN Mönch übr aues u bi sähr verschmuest u aahängelech. Ganz en lieber, sähr nöigiiriger, pflägeliichte Bueb. Ig mag min Freigang, geh zwar nid so lang u nid so wiit, abr ig muess immr mau wiedr usse u nach'm Rächte luege. Wenn ig nid grad am Sünnele bi. Sünnele isch genau, das chönnt ig de ganz Tag lang mache. Baud isch wiedr Sünnele-Ziit! Ig chenne Ching, mag die abr liebr nid im Daheime. U ou chei Hung u angeri Chatz dinne, ig wär so gärn Alleiprinz bi Dir.

Drum sueche ig itze ganz schnäu mis nöiie Troum-Daheime. E ruhige, gmütlechi Huushaut bi liebi Mönsche, di wo zu mir luege u di wo mi lieb habe, ohni Ching u ohni angeri Huustier, abr mit Freigang ums Huus ume. I verkehrsarme Umgäbig, Fäuder u Wiese, das wär tou, das lieb ig. Chönntisch Du mir so öppis biete u suechsch Du en liebe Mitbewohner? Einen usm Bündnerland? Ja? Das wär's. Denn müesset mir üs unbedingt lehre chenne. Ig wohne derziit no z'Scuol, zügler abr ou gärn wiiters wäg, wo ou immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Mir pressiert's es bitzeli, weisch, anfangs Apriu wärd ig obdachlos. U denn?

Din Pipo



**Katze sucht Mensch - Mensch sucht Katze**

Sonja Ball

Tel.Nr. 079 333 45 62

[kontakt@katze-sucht-mensch.ch](mailto:kontakt@katze-sucht-mensch.ch)